

14- Amaliy ish

Mavzu: Bitiruv malakaviy ishlarini yozishdan asosiy maqsad, vazifalari va amaliy ahamiyati aniqlash

Darsning maqsadi: Bitiruv malakaviy ishlarini yozishdan asosiy maqsad, vazifalari va amaliy ahamiyati aniqlash.

Dars jihozlari: Kompyuter, ko'rgazmali qurollar, Moodle masofaviy ta'lim platformasi.

Talabalarning bitiruv-malakaviy ishi umumta'lim va maxsus maktabgacha ta'lim muassasalari, umumta'lim maktablari, maxsus maktab, maktab-internatlar, akademik litseybazasida tayyorlanishi mumkin. Talabalar bitiruv-malakaviy ishini tegishli tartibda rasmiylashtirilgan holda sharnoma asosida pedagogik amaliyot o'tkazayotgan umumta'lim maktablari, akademik litseylarida olib boradilar.

Bitiruv-malakaviy ishining tuzilishini o'z vaqtida mukammal ishlab chiqish talabaga ilmiy-tadqiqot ishining maqsad va vazifalarini to'g'ri ifodalash, tadqiqot ob'ektiga, predmeti hamda qo'yilgan maqsadga erishish usullarini to'g'ri tanlash, shuningdek, bitiruv-malakaviy ishini tayyorlash bosqichlarini aniq ajratish imkonini beradi. Bunda talabaning tuzgan rejasining uslubiy asoslanishi, rejaga kiritilgan masalalarning dolzarbligi va o'rganilish darajasi, rejada qo'yilgan masalalarning ilmiy jihatdan ochib berilishi, yangiligi kabi ko'rsatkichlarga e'tibor beriladi. Bitiruv-malakaviy ishini yozishda talabalar bitiruv-malakaviy ishi yuzasidan materiallarni to'plash va bibliografiyani tuzish uchun axborot resurs markazlaridan foydalanishlari shart.

Bitiruv malakaviy ishining ilmiyligi. Bunda talabaning bitiruv malakaviy ishini iqtiboslar bilan asoslanilganligi, foydalanilgan adabiyotlarning ahamiyati, arxiv va huquqiy hujjatlardan foydalanilganligi, tarixiy atamalar va sanalarning o'z o'rnida to'g'ri ishlatilganligi, ilovalarning mavjudligi, zamonaviy axborot va pedagogik texnologiyalardan foydalanganligi kabi ko'rsatkichlarga e'tibor beriladi.

Bitiruv-malakaviy ishining bajarilishi uchun quyidagilarni amalga oshirish lozim:

- Bitiruv-malakaviy ishi uchun mavzuni to'g'ri tanlay bilish;
- tanlangan mavzu bo'yicha talabaning shaxsiy kuzatishlari natijasida to'plangan barcha ilmiy, amaliy, daliliy ma'lumotlarni mustahkamlash va tartibga solish;
- u yoki bu holatlarning o'zi to'plagan doimiy ma'lumotlar asosida ilmiy va amaliy ahamiyati hamda qiymatini asoslab berish, xulosalar chiqarish;
- tanlangan muammo yuzasidan tadqiqot o'tkazish zarurligini asoslash;
- uning yozilish metodologiya va usullarini tanlash;
- mavzuga doir axborot, daliliy materiallar yig'ish va ularni bir tizimga tushirish hamda qayta ishlash;
- tadqiqotni mantiqan chuqur o'ylangan rejasiga mos o'tkazilgan tahliliy tadqiqot natijalarini asoslab bayon etish;
- kuzatilgan maqsad asosida ilmiy xulosalar chiqarish.

Bitiruv malakaviy ishining amaliy ahamiyati. Bunda bitiruv malakaviy ishining metodik ishlanmalari va xulosalaridan o'rta maxsus ta'lim tizimida

Informatika va axborot texnologiya fanlarini o‘qitishning samaradorligini oshirishda foydalanish mumkin. Tayyorlangan taqdimot slaydlarining ilmiyligi va mukammalligiga e’tibor beriladi.

Oliy ta’lim ta’lim tomonidan tasdiqlangan “Bitiruv-malakaviy ishi to‘g‘risida”gi Nizomda ko‘rsatilgan ilmiy-tadqiqot ishi asosida olib boriladi.

Bitiruv malakaviy ishining tuzilishi va mazmuni. Bitiruv malakaviy ishning kirish qismida malakaviy ishning dolzarbligi asoslanadi, amaliy ahamiyati, ilmiy yangilik yoki muammoning tomonlari aks ettiriladi, tadqiqot predmeti malakaviy ishda ko‘rib chiqiladigan muammolar, ishning maqsad va vazifalari belgilab beriladi. Bitiruv malakaviy ishda iloji boricha oxirgi 5 yilda nashr etilgan adabiyotlar, ilmiy ishlardan hamda Internet yangiliklardan foydalanish tavsiya etiladi.

Bitiruv malakaviy ish mavzusi mazmunini rasmiylashtirish namunasi:

MUNDARIJA

Kirish

I BOB. Nazariy ma’lumotlar

1.1.

1.2.

II BOB. Nazariya va amaliyot birligi tahlili

2.1.

2.2.

III. BOB. Mavzuni o‘tish bo‘yicha uslubiy tavsiyalar

3.1.

3.2. Mavzu yuzasidan darsning metodik ishlanmasi (texnologik xaritasi

bilan

birgalikda)

Xulosa va tavsiyalar

Foydalanilgan adabiyotlar

Ilovalar